

雲南通志卷之第二十二

孝義

孝德之隆通神明而光四海可謂大矣然愛敬知能有生同具滇民質樸其竭力承順往往有出於天性者今

天子至德純孝超邁千古

聖諭宏敷首以惇倫為訓親遜成風蠻獠且咸知式化又何論誦法曾閔者哉傳云將為善思貽父母令名必果將為不善思貽父母羞辱必不果則夫大義所關雖草野無文之子有捐脰淪淵而不悔者皆於不敢辱親之一念始之其合而志之也固宜作孝義志

雲南通志

卷之二十二

孝義

一

雲南府

元

楊立義

昆明人任騰衝府同知事親至孝親歿負土成墳奉詔旌表

明

段澍

昆明人洪武丁丑進士事親至孝以監察御史就養改姚安府教授

熊信

字以成昆明孝廉宣德間授禮部主事尋改兵部乞歸終養杜門謝客不謁公



門母歿絕意仕  
進孝子祠祀之

王護

晉寧人正統間輸粟賑濟詔表其門

方玘

字公佩後衛指揮使弱冠時得遺金訪其人而還之景泰末年歲饑流離載道玘傾庾賑濟死者葬之卒年三十二妻曹氏以節稱

陳大韶

字舜舉嵩明人父貢士客死京邸韶扶柩歸中途負擔自給既葬廬其墓事母篤孝母卒廬墓弘治間撫按題表後授嘉善司訓

王璽

字國用宜良人早失父事母至孝登弘治壬子鄉薦授合山教諭母卒廬墓後歷官至涪州守不忘少慕

唐文炳

文蔚 祿豐人正德六年父銓母關氏相繼卒時文炳年十四文蔚年

雲南通志

卷之二十一

孝美

二

十一兄弟廬墓三年刺血和泥塑親像祀之文蔚事兄如父嘉靖三十五年巡按劉涇上其事詔旌表

施汝翼

昆明人施昱之子登嘉靖乙卯鄉薦天性篤誠親歿廬墓有芝草之瑞賑貧乏返遺金後計偕卒於途孫堯化成進士官稽勳郎

段有學

字可仕昆明人嘉靖癸卯舉於鄉以母老終養二十年不仕母卒廬墓盡哀後授中江知縣陞寶慶府同知皆有賢聲

宋應時

昆明人父死刺血雜土塑父像以祀廬於墓應時妻死子文學負土成墳亦廬於墓偶野燒將及拜風而火息又值羣賊剽掠感其孝義餽以豚米不納子孫化之世以稱孝



甘 旨

字汝孝昆明人性恬淡樂善好施郡中貧乏者多所倚賴壬戌邊餉匱乏詔天下

或得輸粟助邊旨與焉授以官弗受庚戌滇饑復出粟餽民全活甚衆有司上其事欲

旌之亦力辭優游山水以終其身

畢

昆明人事親至孝常入蜀過豐都縣得遺金不取鄉人貧而貸者焚其券不責

償

李堯相

昆明人善事親撫幼弟堯卿於襁負中卿亦感之敬事其兄嫂和氣藹然鄉閭

慕生

張鳳翮

祿豐人事嫡母割股吮疽經兵亂昇以救父難事聞給冠帶旌表其門

陳咸厚

昆明人從父官京師父卒哀毀骨立先達謂滅性非禮乃強進粥扶櫬還里遇

雲南通志

卷之二十二

孝義

三

風雨泥淖號泣而行濡足泥中未嘗少避至龍里遭安賊之變賊擁至焚其柩厚兩手抱

棺抵賊聲色哀厲賊以戈擊之死於柩側黔中侯侍御以其事聞

周良卿

右衛人父母皆年逾六十生四子長爲千戶早逝三子意欲自養良卿泣曰兄

亡姪孤二弟涼薄奉養不繼誰之罪也乃躬事甘旨不衰母病湯藥親嘗迨歿事之如存

楊世麒

字明徵右衛人補弟子員事母最孝母卒哀毀欲絕竟喪明後當貢期竟不能

赴

杜惟喬

字汝遷昆陽人歲貢生居父母喪哀毀盡禮廬墓三年墓前麥生九穗瓜結如

斗人謂孝感所致

楊 坤

嵩明人父卒於官歸櫬廬墓遇賊劫負母而逃



安如磐 昆陽人以貢入太學聞父病徒步抵家比卒哀毀如禮服闋不仕歲時祀如事

劉連璧 富民諸生家貧蓋孝凡死而無主者瘞之孤獨有疾者以藥濟之其隱德不知

者尚多

傅以恭

安寧人字默庵嘉靖甲子歲貢授四川興文縣訓導未幾告歸及居家有縉紳遣使致書餽贈甚厚以恭受書返餽居常捐貲周恤蜀祀名宦

趙

禧 安寧人字念庭嘉靖甲子由明經授教諭造士以德行為先積穀數斛率以賑貧有貸者輒焚其券及歿悉來償

唐佐

晉寧人字朝相少隨父至京師見父所友皆天下士雅自奮勵歸而受業於朱

雲南通志

卷之二十二

孝義

四

清庵之門朱奇其才以女妻之弘治壬子舉於鄉入太學父死聞訃哀號奔走萬里淚盡嘔血水漿不入口者數日而死時年三十有九妻朱氏有節操子錡列科目

孟富

昆明人號漁溪少力學嘉靖間母亡父老遂不應制舉承顏之暇刻意苦吟親終廬墓子養浩受庭訓舉明經能繼父志輯遺稿名曰漁溪集楊慎為之點定會中憲璵張都諫鳴皆為之序

羅廷寶

號方塘安寧人萬曆間以異才授山東鄒平丞告養歸田絕意仕進舉外姑之喪歸焚次之旅施棺葬骨陰德過人壽九十一而終

楊士芳

昆陽人萬曆癸丑歲貢生歷仕貴州平越府通判政教卓異功著貴筑賦性嚴正致仕後事親孺慕偕弟士葵士蓮同居共產終身不衰暇日則講書課士樂為訓誨族



黨孤貧者為之嫁  
娶與鄉飲者七次

張

翥

安寧州庠生父歿廬墓三年有紫芝馴兔之異萬曆間具題旌表

楊恩選

安寧人任成都衛經歷幼有志性每得蕪菜必以養親不敢先嘗萬曆庚子父宗學寢疾醫藥罔効選每夜拜北辰求以身代如是四十九日父疾轉劇刲股以進是夜夢神告之曰汝父疾已不可起上天鑒汝真誠為延汝父算一紀父疾果瘳迨辛丑冬父卒果符其夢

李兆旂

昆陽人崇禎庚午歲貢任江南廬江訓導持躬清介率士端方於乙亥年流寇圍城兆旂守北門城陷被執不屈罵賊而死第七子李淳年十五同父守城見父遇難痛哭罵賊亦死院司道府旌忠節

雲南通志

卷之二十二

孝義

五

薛大觀

字爾望昆明人與子之翰俱有才名順治十五年雲南潰兵肆掠義不受污舉家至城北龍泉觀置酒亭上慷慨賦詩妻女皆誓同死時有奴僕在旁大觀以所積白金分授之令其別往奴僕痛哭曰主人死我輩豈忍獨生以金擲水中遂相率赴龍潭死數日屍浮水面闔家七人皆牽聚一處布政使彭而述為賦龍潭曲按察使許弘勳懸額於水亭以表之

單武襄

昆明人歲貢生順治十五年遇潰兵武襄闔家舉火自焚書於門曰一門完節

本朝

施逢泰

昆明人事親至孝嘗僱工養父母康熙二十一年大兵圍省城避於姚安方山值胡國柱潰兵刼執逢泰父泰憤甚躍出罵賊賊擊殺之逢泰死羣賊悔而釋其父



胡士悅

字季凱昆明人富邑廩生將歲薦事親

不解帶親嘗湯藥疾篤默禱竈前封股煎藥以進父身多虱悅以麵裹而吞之虱不生而病亦愈年十三父又患痢甚危服藥不效醫云視糞色紅黑糞味甜苦可卜吉凶悅扶父入廁見糞色黑以指蘸嘗味甜心愈憂夜稽顙北辰求以身代父歿哀毀骨立祭葬不失禮其事二兄克盡弟道兄死撫子姪成人竭力婚娶而且樂善好施遠邇無間言歿後鄉黨合詞公舉制撫學三院及司府縣交旌入祠祀之



曲靖府

明

李

山靖衛百戶以失母與弟騏三世同居  
怡怡相愛通判沈鑑知縣李棠旌表其  
門至今子  
孫繁衍

郭

蕃

肥諸生事親盡力母病兩月衣不解帶  
湯藥親嘗田廬推讓兄弟人稱孝友

徐可繼

南寧人秉性孝友父病日以舌舐之愈  
母尋病日亦舐愈之父母卒廬墓皆三  
年事聞院  
道旌獎

張

浩

南寧人家貧盡孝父卒鬻子治棺喪葬  
以禮不御葷酒三年每言及父母輒泣  
下院道給冠帶  
旌之舉鄉飲賓

雲南通志

卷之二十二

孝義

六

謝表

肥諸生性孝友嘉靖間弟詔早卒遺孤  
得申表撫之如子姪與子俱患痘危篤  
表抱姪泣告於天曰寧死吾子存吾姪不忍  
弟之無後也其子果死教姪讀書遂成進士  
又置義田義塚有  
司給冠帶旌之

段尚綱

尋甸庠生居喪力變彝  
俗遵行家禮廬墓三年

趙

愷

尋甸人性行誠朴為鄉里所重嘉靖間  
安銓叛攻城愷率眾拒之力不能支為  
賊所執以刀加頸欲脅之從愷給曰待率家  
眷相從賊信釋之愷至家集眾泣曰今賊勢  
猖獗人民殺戮殆盡吾惟有死而已我死汝  
等舉火焚屋母致我屍骸暴露遂登樓自縊  
死闔家自焚幼男景新年甫十歲以他出得  
免知府劉槐即屋址築垣為趙氏祠墓撰文  
往祭知府魏公  
濟以詩輓之



呂應科

尋甸庠生嘉靖六年安銓之叛城陷守者皆待罪應科以罪屬無辜又守者素賢遂萬里陳情願以身代守者罪遂從輕典

張化

張文忠

尋甸人從弟兄也居家孝友為里閭所重尋甸舊無學嘉

靖三年化與文忠極力呈請臺使建學屢疏不報化因鬻產赴京叩闕至再而建學之旨乃下迨歸知府戴鰲通判曹琥命罷人迂之因贈以詩額其門曰尋陽義人公舉崇祀

馬

欽

尋甸庠生嘉靖六年安銓叛賊射其母以身蔽之母子俱得不死後母死遵行

家禮廬墓三年

必

沙

怒郎村人有勇力頗知書嘉靖六年安銓叛同類俱附之沙獨抗言拒賊賊亦素知其勇不敢加兵救護甚衆一日白衆願出擊賊令為代白於官銓聞之使人用藥酒

雲南通志

卷之二十二

孝義

七

毒死知府劉槐撰文致祭魏公濟以詩輓之

馮世傑

尋甸庠生慷慨有氣節嘉靖六年安銓叛傑奉母李氏及弟妹匿迎恩橋下為

賊所獲母投水死傑謂其弟曰患難不能救母苟全性命何以自立於世耶弟兄亦投水而死知府劉槐撰文往祭魏公濟以詩輓之

伯承恩

字榮吾邈人萬曆庚子鄉薦歷縣令皆有賢聲官至四川按察歷任四十餘年

公明廉恕居鄉友愛周濟族黨置田五十餘畝為兩庠諸生卷金士民公舉

李仲武

鳳梧所軍萬曆己酉隨指揮諸藩裕征東川已擒土酋安者賊復劫營仲武戰

死有司勒碑表之

伯寧國

字肖堂邈人萬曆間貢生任夔州訓導教士以力田孝弟為本署建始令以仁



廉稱事兄定國友愛以齒  
德數舉鄉飲賓捐置學田

馬邦俊

尋甸人萬曆選貢任桂東令陞廣西潯  
州府判致仕歸捐宅建學康熙元年奉

文旌  
之

何俊

字彥賓越州千戶有氣節幼以孝稱父  
病衣不解帶者數月常誡其子以耕讀  
謹慎勿辱先人居心仁恕邑人無大  
小皆慕其德崇禎間撫按旌獎之

彭之藩

尋甸人崇禎歲貢有識學敦品行  
捐資脩學課藝傳經鄉人重之

丘為龍

尋甸州儻甸把總東川賊衆攻寨力戰  
箭中左目於馬上拔出仍格殺九人賊  
衆潰散保  
全寨民

臨安府

雲南通志

卷之二十二

孝義

八

元

張友直

通海人好讀書早喪父事母杜氏視寢  
食無時離左右鄰里稱其孝至正間聞  
於朝旌為  
慈孝之門

董茂春

字良卿董莊愍之子仕通海學諭父死  
於賊哀慟幾絕事母至孝飲食寒燠未  
常一日離母疾輒顛天願以身代當時有一  
門忠孝千載姓名之句其子思平洪武初為  
邵甸縣主簿以忠義勸諭  
習裁土司祿祐率衆內附

王帑

石屏人天曆間賊圍朱寶翼亨祐守至  
七旬幾不支帑出粟千餘石衆賴以全

明

萬容

字景儀都指揮中之長子性孝友事父  
及繼母能順志篤愛二弟讓貲不取尤



好文學絕無膏粱之習儒者雅重之

**吳孝先** 習我人幼名虎兒洪武間年十歲隨父出遊父為虎所攫孝先急取父佩刀斫

虎腰虎死父得生人稱孝童

**楊慶** 建水人其兄春以永樂間從征交趾陣亡慶以次當代兄子行訛言慶亦陣亡

母痛二子俱歿哭喪明踰年慶歸求醫罔効乃齋沐禱於北辰舐其日久之復明人咸異焉

**王綸** 石屏人永樂六年擊黎賊功陞正千夫長鎮守蒙自花丈邑後復從征黎賊遇

伏兵死御史表其門曰効忠用命

**姚思敬** 建水人性至孝父母疾衣不解帶躬侍湯藥凡田宅財貨讓其弟居鄉與人無

雲南通志 卷之二十二 孝義 九

爭卒之日其妻洪氏不食踰旬而死

**馮敬** 字允恭建水人幼失怙恃事兄政克盡恭謹食必同席兄未食不敢先兄有疾

湯藥必親致之

**紀元** 罷歲貢生字調甫萬曆五年父良早卒於征母李氏孀居折肢三年元與妻郝

氏晝夜侍側淖汚必親母病癱危甚元請洗跪吮而愈人稱孝感所致

**張覺** 寧州人幼失父事孀母趙至孝節儉謙恭多隱德偶沾異症夢神救日有趙某

者孝子第一汝居第二疾遂瘳鄉黨舉揚上其事於禮部旌表孝子

**楊世春** 阿迷人事母孝母死廬墓三年鄉人稱為楊孝子王廷表以文贈之

**劉大經** 石屏人充寶秀義勇兵調征武定鳳賊路逢伏兵經殺賊數十兵潰被執為賊



解肢

戴天資

河西人母林日瞽跪而舐之雙目復明

周尚懷

死

石屏人州舊無城賊至輒肆劫殺尚懷倡勇捍禦遇賊於老衛寨力戰被刺而

李

字作之石屏人嘉靖間舉明經任臨武訓導以行誼率諸生餽遺一無所問比

遷王府官當道憐其貧檄邑令為助乃留置學田贍弟子員臨武崇祀名宦

董紹舒

嶺峨人有至性嘉靖十八年應歲貢入京抵鐵爐關日憫心驚乃曰吾母思我遂歸絕意仕進比母終哀毀幾絕捺行高潔生平足不至公門

張任晟

罷庠生少孤貧母孀居弟任榮任教皆幼斃無依晟篤於孝友養母教弟弟

雲南通志

卷之二十二

孝子義

十

皆成名尤邃於易罷人以易起家者多出其門焉

張廷作

蒙自人嘉靖三十六年土賊逼城劫殺兄廷佩挺身死戰廷作見佩危向前救之俱被殺奉旨建死義坊

龔朝傑

字德恒建水人元江庠生年十三母逝廬墓三年父沒復廬墓三年哀毀盡禮通判羅淳淳王鯤為之記

許

綱通海人家貧負薪養親一日夫婦往田其母瞽日攜幼孫忽墜井中夫婦歸家寬慰其母竟不悲慟孝養有加

范應華

建水人天啓間以報効征安孝良授遊擊曾名聲叛守城力戰屢破賊兵計掘會逆祖墳加參將後復領兵擒逆機洩被擒不屈死之



包萬化

字春夫，隴人。為弟子員，有聲事父母。色養備至，父母卒，哀毀幾絕。祭必涕泣，尤

好周人之節，以子見。持貫贈中憲大夫。

史觀宸

不第人，弱冠登崇禎癸酉鄉薦。事母以孝。聞庚辰授南充縣，多惠政。值土賊姚黃亂，率眾拒之，多所斬獲。賊遁去，以功擢同知。陞順慶知府，賊復引張獻忠入攻，順慶力禦，被執罵賊而死。

趙文宿

阿迷人，性純孝。救水承歡，救賜天下孝子第一。

徽江府

元

段文瑞

河陽人，幼折節讀書。父早逝，奉母盡孝。母歿，哀毀骨立，立匍匐行一里外，負土營

雲南通志

卷之二十二

孝義

十一

墳百五十日始成事。聞旌表曰：孝義之門，授本路學正。歷官臨安路總管。

明

李九得

河陽人，家貧為人傭，作而養父母。親死，無以為葬，益菟勉積其值以葬焉。

王珪

字朝玉，新興人。父思貞歿，哀毀欲絕。廬於墓側，啜粥飲水如是三年。知州郭鉅以聞，未報。後鉅陞雲南府知府，為作王孝子廬墓序，布政使嚴貞亦為作贊。時正統乙丑也。

武定府

明

陳此丹

隴庠生，家貧好施事親，以孝聞。己亥遇潰兵亂，奉母避山中，遇相失，丹號泣求



之薄暮有婦丐隨丹叱曰吾尋母方亟豈能顧汝况男女有別雖患難寧遂苟乎却之去求母竟夜不遇渴甚將所負米囊置路旁覓水澗中比反母坐米囊上問母何以至此母云黑夜行荆棘力疲息此實不知為己囊人以為孝誠所致云

廣西府

明

趙

通

本府土照磨成化間昂貴爭糶府職大肆兇虐通不從逆遣其子趙瓊赴京奏聞下其議因改土設流民賴以安通之力也

李

璜

師宗人弘治間代本州土官襲職璜以士官專擅終為民殃至京遂奏請設流議下因除流官令土官不得協管州事及抵家知其身必不免遂潛逃外方師宗設流璜

雲南通志

卷之二十二

孝義

十三

之功也

張

恩

罷人隱居沉默與物無忤嘉靖壬寅水賊阿旦為亂監司檄本罷撫之衆舉恩恩慨然往諭賊皆服從尋以瘴卒當路旌其義為文祭之

郭尚賢

罷人事親孝父卒廬墓足不入室口不茹甘後廬母墓遇虎不傷鄉人有急輒周之有羅姓王姓者鬻身於人尚賢知其老母在皆為贖身歸焉有司旌其門

趙

宸

罷人父卒廬墓虎聲咆哮乃喟然曰天不欲孝乎虎拽尾去一夕賊入顧視無所有惟遺簪玉簪在

張秉衡

師宗人罷庠生母病目盲數年矣秉衡乞以身代一日忽明士民舉其孝行歷有旌獎



大理府

漢

隗叔通

葉榆人生若水性至孝母好飲江營水通日入江取水以給往來甚艱江中忽出平石涉取甚使人謂之孝子石水經注載其事

唐

段赤城

葉榆人有膽略蒙氏時龍尾關外有大蟒吞啗人畜赤城披甲持雙刃赴蟒蟒吞之劍鋒出蟒腹蟒死人剖蟒取赤城骨葬之建塔塚上煨蟒骨以亞塔

元

楊淵海

至元間總管段功有寵於梁王淵海事段功知其不克終累諫不聽淵海語人

雲南通志

卷之二十二

孝義

十三

口吾主無生還日矣吾食人食而不同其難乎明年功為梁王所害淵海死之

楊保

楊名

太和人兄弟皆事段氏洪武初兵入大理保遣名探報緩

急約翌日日出為期名過時不至保知事不濟即自縊名至亦以弓弦縊死國人義之合

葬於弘

圭山

明

趙壽

趙州人永樂丁酉舉人正統間有蒙化土舍從征麓川有功謀為州士官壽懼要鄉人李松張福海潛赴京師奏革之一州以安松等造廣廈作堵墻百丈居壽以報其德

楊寧

太和人父母繼歿廬墓哀毀採風使題聞旌宅



楊謫仙 寧之孫事母盡孝時稱

張孝子 太和人失其名性至孝備工養母母歿哀慕如狂既殯猶晝夜號於路如此數年不輟死而乃已

段子澄 太和人為諸生不納奔女道還遺金天順壬午秋試主司得其卷屢感異夢知為端人急薦之任德安府判以內艱歸不復出居鄉益為盛德事人謂為太丘彥方之亞

洪鈞 太和人為諸生性孝友母歿廬墓三年廬側有澗水盈涸不常鈞居三年澗水不涸人以為孝感所致

黃聚 雲南縣人事親至孝親喪廬墓三年道府給銀米旌之

楊沂 太和人父母歿廬墓三年以田業之半讓諸兄遂老於山中至死不變

雲南通志

卷之二十二

孝義 四

趙友益 太和人自少至老無喜愠色與物無忤兄弟子姪有失依者皆為之所鄉人稱其孝友

史大經 雲南縣人為諸生以讓貢為月旦所重嘉靖年任江津邛州訓導多所培植歸置義田勇於行義士論重之

王守陽 太和人家貧勉為甘旨四十不娶恐分親之養也終父喪三年其母勸之始娶婦婦不得於姑守陽曰任汝所適婦若其貧遂去守陽以相地自給得錢即養其母每夜常四五起視衾之寒溫枕之高卑母身展轉必捧之以助其力母所嗜多方致之

呂健 大理衛人家貧養親每食必躬進之親怒則深自咎責悅而後已病則嘗藥死則廬墓皆能盡禮



楊起雷 太和人其父有疾凡出入坐臥起雷捧扶者四十年及卒哀毀骨立事兄起雲

亦以友愛稱

朱惟顯 賓川庠生父歿廬墓三年母張氏喪明左右扶持未嘗刻離

楊雨 太和人充府刑吏人或賂之必問所從來曰貸則不受否者間受十之一久之

凡問者無不以貸對是以一錢不入或知其人之寃力爭於庭隄守怒答之答已復爭初疑其賄徐而察其無他遂見嘉納獄多賴以不寃革履無襪藉以草役滿不赴考選潛入雞足山太守廉其賢欲薦之索之不得莫知所往

吳讓 賓川人始未設州治居民苦於剽掠弘治間讓奮然詣臺司請置州衛建城池

往復再三如其願而止今稱述之

雲南通志

卷之二十二

孝義

五

趙重華 太和人父廷瑞棄諸生業為方外之遊匿無錫山中時華方七歲後十五年母

歿妹嫁遂出覓父請途引於隄守行至武當太子崖上隱隱有字跡後識其父名氏而所

書月日與華尋父出滇月日同華覽之哭亦附其後而書之歷走江南竟無所遇因禱於

三茅峯夢神語曰汝父猶未死覺而爽然過毘陵被盜攫其資僅存途引道逢老僧言其

父寓無錫南禪寺一道人導之至寺其父果在父子相抱而慟所與道人及寺中客無不

慘然鹿門毛憲副為作趙氏客遊述

王祿吉 鄧川人傭工養親與兄王茂林事父母甚孝所得工資兄弟相讓

本朝

杜桂印 趙州人父欲弘為諸生順治十六年為雲南瀆卒所執欲殺之桂印年方少號



泣馬下願以身代兵怒殺之父獲全康  
熙元年撫院袁懋功具

題旌表其門

永昌府

明

徐

訥

字敏行保山人年十三父邁疾幾殆憂甚每夕稽顙天願以身代父疾果愈後父歿廬墓三年朝夕哀號有青蛇遶墓之異成化間詔旌其門

胡亢

字希賢保山人父歿時亢年十二三日不食既葬結廬墓側每哭泣輒有鳥雀集樹悲鳴哭止乃敬母余氏歿禮亦如之

蕭芮

字從周保山人國子生事親孝母卒廬墓三年朝夕哭奠父繼卒復居廬二年

雲南通志

卷之二十三

孝義

六

符節

字性善保山人平生耿介寡合常與丁貞友善貞病篤謂節曰吾有幼兒竝白金百兩託與君兒長可付則付之否則君之物也節遂密藏其金於丁宅中厚撫其子且教之比長挈金授之封識宛然鄰有婆婦無子迫於饑寒自縊節令人救活給之飲食二十年竝不一見其面婦卒治棺葬之所行率多類此所著有坵坂堆詩一集

陸鏞

保山人客遺金一囊數五十鏞拾歸謂妻康曰若坐門內俟有泣過者告我已而客果泣涕至數如數即付客客以其半謝之固辭客拜天祝頌而去

辛淳

保山人捐粟濟饑從征交南凡道死者力為葬埋又葺學宮兩置學田鄉黨重之

藺

剛

字德中騰衝千戶愈次子正統六年隨父征麓川愈累功陞副千戶剛亦當授



外所鎮撫乃白父愈曰吾先祖宗世為正千  
戶中葉而為副今幸父子俱立功若併論為  
祖職可得也愈曰武廕以長我死汝兄繼之  
置汝何地剛曰為子弟但竭力於父兄耳奚  
以得職為乃偕白靖遠伯伯嘉其孝讓併功  
於愈為正千戶愈卒長子承襲剛處之自如  
友愛有加年  
八十六終

**吳**

**榮**

字仲華騰衝人醇厚坦直人有爭咸質  
平之一日與友藺剛暮歸適一屠兒醉  
臥道中墜二十金榮恐他人得去拾付剛收  
遣僕守伺屠兒醒引請剛歸之終身不自明  
其處伺之至夜遇一男子來尋遺金詢  
之蓋稱貸以完逋賦而出子於獄者遂還之  
其人願分金謝琮卻不受其人感祝曰願天  
壽公夫婦官公子孫耳後  
琮年七十八吳八十五

**周**

**琮**

騰衝人晚行得遺金歸付其妻吳仍往  
其處伺之至夜遇一男子來尋遺金詢  
之蓋稱貸以完逋賦而出子於獄者遂還之  
其人願分金謝琮卻不受其人感祝曰願天  
壽公夫婦官公子孫耳後  
琮年七十八吳八十五

雲南通志

卷之二十三

孝義

七

**吳**

**潤**

騰越人事親至孝應貢赴京不忍離父  
因請同往授溫江諭父故扶襯歸哀毀  
骨立服除補上海諭模範端嚴善於啟迪居  
鄉二十餘年操履澹泊不納餽遺友愛庶弟  
鄉評重之入  
上海名宦

**楊**

**茂**

字廷秀騰衝人性質朴好義樂施常歸  
人遺金代孤甥完婚娶置義田捐棺具  
人有貸於已者力不能償  
卽焚其券行事率多類此

**林興祖**

字宗嗣騰衝人少孤母性嚴事之得其  
歡心母微愠曲求慰解侍親四十餘年  
如一日母疾檢方書云須虎睛調藥乃愈祖  
竭誠籲天適城北得一虎往購其睛合藥母  
病果瘳人以  
為孝感所致

**鄭永生**

字壽伯騰衝人常結廬東山藝田忽鄰  
婦有私奔者永生不答馳歸抵家已夜



家人問故給之曰偶櫻疾欲藥蓋秘之也後以陰德事教家人年八十七而卒

**鍾應奇** 永平諸生母臥病在床天順間姚營叛兵入其家欲兵之應奇周旋涕泣求以身代兵感悟

遂全其母

**丁有虞** 永平貢生友恭誠孝事繼母情禮備至兩臺旌曰孝行可風後仕終知縣

**馬鼎龍** 永平庠生苦志讀書荒年賑饑捐金助餉奉旌表

### 楚雄府

元

**楊惠** 髡人父早逝養母劉氏盡孝母邁疾禱神求以身代母夜夢神告曰爾壽當終

為爾子誠孝今特延之明日疾果愈壽至八十五及卒惠負土營墳廬墓三年以哀痛失

### 雲南通志

#### 卷之二十二

孝子義

六

明有司以其事聞旌表其閭

明

**印岳** 楚雄衛千戶性至孝奉母先意承志侍母病夜不解帶見有屍骸暴露者解衣

覆之死不能葬者助之棺正統間征麓川力戰而死

**王大勳** 廣通人早失母傭工事父母晨必俟父食然後出主人授食先投竹器中歸以

養父監司命有司存恤之旌表其門

**潘浩** 髡人家貧母老善養親志後領成化癸卯鄉薦為大理訓導孝愛有加母疾迫

禱於神病隨愈遂棄官歸養母歿盡哀既葬廬墓三年

**朱高** 髡人五歲喪母善事父父歿時家甚貧竭力營葬禁葷酒不近房帷後值繼母



之喪亦如其父弘治間以貢士任合江訓導分俸祿予其兄及家居族黨貧乏者多所周恤鄉人稱之

恤鄉人稱之

何

鑑

州學正為冢宰夏邦謨所重繼任永川令加意恤民值天旱鑑步禱霖雨立霈永川人德之後居鄉親戚有貧不能嫁娶者捐資助之更置田以贍宗族

延

从

定遠人監生以母老不仕敬養終身嘉靖間鳳賊之變官舍杜文宣以三百金倉卒付久賊平後不見來取跡其人還之

陳于舜

肥人天性孝友父歿善事母嫁娶弟妹得母歡心人有貧鬻其子者捐金贖之壽七十而卒

雲南通志

卷之二十二

孝義

九

李希綱

肥人父久病侍醫藥寢不解帶者九年後以貢為姚安訓導俸祿所入與兄共之周恤親里各盡其義所著有四禮註一卷

俞

經

郡人嘉靖間父歿家貧與弟緯繪交愛同居四十餘年如一日不受私金不忘舊交行多高義

俞

沛

肥人庠生家貧力學子弟治禮記者多出其門嘉靖中武定鳳氏亂延及廣通肥人震恐沛與肥守多方捍禦城賴以全

朱萬元

肥人以選貢中萬曆壬午北京鄉試任縣令先未第時從豐城李公論學及李得罪猶時時遣人問詢又與省肥諸生蔣希晃偕人京視公於獄中世稱其義

周孔徒

定遠庠生端品行尚孝友撫兄子弟妹有成存恤姻戚助其婚嫁以善規友還



人遺金

愈思箴

隄人萬曆間歲貢性好學事親孝四時蔬果不奉親不敢嘗任元江教授教上以德行爲本祭器殘缺捐俸脩補及家居族黨婚葬不給者皆周濟之

李繼東

定遠人萬曆間以貢任大理訓導父母歿廬墓各三年遂不復仕至性所感鳥雀俱馴盜賊遠避院司旌之銘其墓

張克儉

隄人力耕養親後領萬曆庚子鄉薦任榮經知縣性澹泊喪葬一準家禮鄉人法之里中婚喪不給者捐資以助隄有驛遞板累窮民豪右霸阻水利儉陳於當道民害除

蘇德馨

廣通人萬曆間以南安歲貢任四川茂州學正先是父溺愛異母弟逐馨於外

雲南通志

卷之二十二

孝子義

三

馨盡孝益篤不敢怨對父遂感化

李邦相

隄人父歿時家甚貧賣身以葬留妻養母越二年母亦卒身既爲僕妻亦願賣身葬姑妻父聞之訟於隄守守嘉其事請於院道具題萬曆三年奉旨建孝子坊旌表

翁弘慶

廣通人天啓間父早卒事母盡孝每食必以酒肉母不食則跪進之間不能備雖蔬食必竭誠以奉避兵時背負其母得免於難至於好善慕義雖貧困不易其心

倪可觀

南安人父天叙天啓間卒於官萬里扶柩歸葬事母撫弟以孝友稱舉壽官長子元昌能繼父志與弟同居五十年鄉里重之

包弘漸

廣通庠生崇禎間四川流寇大熾兄弘策守新都城陷誓賊死漸事寡嫂盡禮爲諸姪婚娶至家貲費盡無所怨里人義之



李思泌

碭武生明末功授守備土逆吳安世破楚雄執泌見賊不屈賊置劍威脅之泌厲聲曰大丈夫肯降賊耶以頭就劍賊怒先劔其足罵不絕口隨斷其屍

本朝

楊三奇

南安人順治十七年父睿為賊所執奇奮身抱賊泣曰寧殺我勿傷我父受刃而死父遂得全

姚安府

元

趙和

姚州白鹽井人母遭兵擄和年十四晝夜泣涕顙天尋至遼東見其母主者留不即遣和奏請乃得與母俱還途遇虎母子俱無恙

雲南通志

卷之二十二

孝義

三

明

高梓潼賜

姚州土州同五歲喪父其母譚氏撫育成就賜性孝母病痿痺晨夕稽顙北辰求以身代遂愈後病日幾喪明賜時舐之尋亦愈後復病癰吮之又愈成化間具奏

旌表

金

鯉 糶廩生素敦孝友母楊氏病篤多方求救不愈日夜默禱忽夢神授方治之果驗及親卒廬於墓側一夕忽有羅賊劫掠憫其孝舍之有兄鯉舉家遭疫親里斂跡鯉同寢處供湯藥兄得保全萬曆七年御史以聞欽賜銀三十兩建坊於其門仍給二丁授八

品散秩

李秀白

大姚廩生性謙抑與物無忤早喪父孤貧力學事母張氏至孝及母構疾將革



治療無功白焚香祝天願以身代母幾絕復甦後一載方無疾而逝白哀毀骨立及葬廬墓三年侍御陳學夔以篤孝表其門

靳時芳

姚安所人永川訓導靳從儀子幼習儒侍父赴京父在途疾不能乘馬芳背負

而行次年聞母病星夜奔回母病癱芳晨夕抱扶歷三十二年如一日家貧訓蒙自適言必準之聖賢跬步皆有繩尺遊其塾者皆有規程即販夫女子皆知其為靳先生居城外環堵蕭然僅栽花竹一圃姪仕清九歲喪父芳撫育成名時太守李贊屢式其廬巡按帥履祥提學荆光裕皆表其門鄉飲三次年八十三

施光裕

大姚縣人貢生任淮府教授質實愷悌尤敦孝友推產諸弟甘貧不悔著有居

敬錄省  
心錄

雲南通志

卷之三十二

孝義

三

謝宗陽

大姚廩生為人樸誠訥訥如不出口生平無絲帛甘旨之奉父故哀毀廬墓遺

產盡以屬弟弟卒撫其遺孤周贍宗族尤好義樂施與著省身錄行之三十餘年撫按督學俱旌之

鶴慶府

明

楊叙年

隄人正德七年隨父監生斌之京行至天津為流氓賊所獲欲殺斌叙年涕泣哀

號願以身代父死賊憐其孝並釋之又恐為眾所害仍以號箭護之出

高

科

府庠生父淮久疾科躬侍湯藥不懈父卒哀毀特甚事母阮氏能盡禮又殮葬其嫂之無依者二人與弟同居三十年無間言知府周贊以孝友表其門



段忠 劍川人性篤孝家貧未嘗讀書母早亡父久病忠備身以養遇食忍饑奉父至

老不變

楊全 劍川人父繼宗為土官下海真所殺全方在襁褓及長知父冤死佯拜海真夫婦為父母一日治酒邀真俟飲酣殺之不果乃潛入麗江適麗江土官欲遣人入京奏請全願往因藉此以發其事會海真死於獄全曰吾父讐得報貧死無憾矣

蔣懋官 麗諸生父以旅亡扶襯歸屍血流出官號泣而舐之既葬廬墓三年晨夕哀奠

奉旨立坊旌之

楊懷玉 麗人歲貢生任安岳縣丞剛方正直細行必矜居喪粗衣蔬食三年不就內寢期功不赴晏會舉鄉約敦行四禮鄉人化之

雲南通志

楊邦器 字德周麗人以明經授眉州學正識學淵博倘儻好義賑之賻喪周人之急鄉人有爭得片言而解在箝以文行飭諸生攝彭山縣以廉著人或嘲之器曰吾不以小官隳節其端潔為當路所重至今稱之

雲南通志

卷之二十二

孝義

三

蒙化府

明

薛志廣 麗人景泰間居喪盡禮廬墓感馴獸芝草之異

官仲 麗人好義樂善周貧乏助婚喪嘗有贖流亡還遺金事年將百歲卒

范運吉 嘉靖己酉舉人父寅麗庠生好為方外遊吉病且少不克從及長好學力行補弟子員應省試詠白菊詩受知於開府應公許妻以兒女次科中式隨書尋父狀負於背

嘉靖己酉舉人父寅麗庠生好為方外遊吉病且少不克從及長好學力行補弟子員應省試詠白菊詩受知於開府應公許妻以兒女次科中式隨書尋父狀負於背

許妻以兒女次科中式隨書尋父狀負於背



遍歷天下跋涉五載辛苦萬狀至京應公促其完娶吉誓不見父不娶回至楚襄行哭於市衆閱其狀哀之忽有知其父者云在武當榔梅園至則已歿吉刺血認屍扶襯歸廬墓三年方赴京完娶事聞詔旌其門吉慟父歿於外遂終身不仕

### 景東府

明

陶

榮

成化中土官陶洪遣子榮入國學萬曆中嗣職以孝義承家

### 雲南通志

#### 卷之二十二

孝義

十四

